



16834 (d'inditgar en la resposta)

☎ 081 257 25 13  
✉ info@djsg.gr.ch  
www.djsg.gr.ch

Departament da giustia, segirezza e sanadad  
Hofgraben 5, 7000 Cuira

A las  
adressatas ed als adressats tenor la glista  
aggiuntada

Cuira, ils 28 d'avust 2024

**Revisiun parziala da la lescha per promover la tgira da personas malsaunas e l'assistenza da personas attempadas e da personas che basegnan tgira (Lescha per promover la tgira da personas malsaunas, LTM; DG 506.000);  
Consultaziun**

Stimadas dunnas e stimads signurs

Sin fundament dal Program da la Regenza 2021–2024 ha l'Uffizi da sanadad dal Grischun elavurà mesiras per distgargar ed indemnisar las personas che tgiran ed assistan lur confamigliars e publicità questas mesiras en in plan d'acziun. En connex cun la distgargia finanziaria da las personas che porschan assistenza prevesa il plan d'acziun d'introducir en l'entir chantun contribuziuns d'assistenza mensilas. Questa contribuziun d'assistenza mensila duai importar 300 fin 600 francs. Sa referind als chantuns Glaruna e Vad vegn la Regenza previsiblamain a fixar in import da 500 francs. Sin fundament da las presumziuns da l'Uffizi da sanadad dastgassan las expensas uschia importar maximalmain 2,4 milliuns francs per onn.

Cun introducir quests imports pon vegnir impedidas u almain retardadas collocaziuns en chasas da tgira, quai conform al princip da la politica da sanadad «ambulant avant staziunar». Las contribuziuns d'assistenza duain cumpletter las pretensiuns dal dretg d'assicuranza sociala existentas sin plaun federal.

Questa revisiun parziala ha l'intent da reglar las modalitads en connex cun ils pajaments da las contribuziuns d'assistenza mensilas. Il chantun propona d'integrar tut en tut tschintg novas disposiziuns en la Lescha per promover la tgira da personas malsaunas e l'assistenza da personas attempadas e da personas che basegnan tgira. Ils artitgels da lescha reglan la cumpetenza e l'autezza da las contribuziuns, las premissas per survegnir contribuziuns, la dumonda e la decisiun, il cumenzament e la durada dal dretg da contribuziuns sco er l'obligaziun da cooperaziun, l'obligaziun d'annunzia e la restituziun.

Igl è planisà da metter en vigur la revisiun parziala per il 1. da schaner 2027. Quest temp dovri per realisar tecnicamain las midadas.

Nus As supplitgain d'inoltrar Vossa posiziun davart il sboz dal project fin il pli tard ils **28 da november 2024**. Ils documents correspundents chattais Vus en l'aggiunta da questa brev. Per ans facilitar l'evaluaziun As supplitgain nus d'ans trametter Vossa posiziun per e-mail ([info@djsg.gr.ch](mailto:info@djsg.gr.ch)).

Nus As engraziain gia ordavant zunt fitg per Vossa posiziun e per l'interess che Vus demussais envers quest project.

Salids amicabels  
DEPARTAMENT DA GIUSTIA,  
SEGIREZZA E SANADAD

Il schef



Peter Peyer

Cussegliaer guvernativ

**Agiuntas:**

- Glista d'adressatas ed adressats
- Revisiun da la lescha
- Text explicativ

### **Glista d'adressatas ed adressats**

- partidas politicas incl. partidas giuovnas
- vischnancas politicas
- regiuns da provediment da la sanadad
- ospitals e clinicas en il Grischun
- chasas da tgira en il Grischun
- servetschs da la tgira ed assistenza a chasa en il Grischun
- Federaziun grischuna Chasas ed ospitals
- Organisaziun dal mund da lavur Sanadad e fatgs socials dal Grischun
- Federaziun grischuna da spitex
- Federaziun svizra professiunala da las tgirunzas e dals tgirunzs, secziun Grischun
- Corporaziun da vischnancas Regiun d'ospital da la Val dal Rain Grischuna
- secretariat da palliative gr
- Associaziun svizra Alzheimer, secziun Grischun
- Pro Senectute dal Grischun
- Federaziun grischuna da las senioras e dals seniors
- Post da stab per l'egualitad da las schanzas per dunnas ed umens
- Servetschs psichiatics dal Grischun
- departaments da l'administraziun chantunala
- Chanzlia chantunala
- Controlla da finanzas